





秣陵存耕陶璞餞  
郭侯浙漕之任序

子曰事親孝故忠可移於

君大哉言乎余服膺久矣近承之海鹽州文學掾南北  
諸士友來游者不少每評人物則謂堪輿無垠林有  
隱豹市有鞭鸞當道豈盡無臯夔其忠曾閔其孝者  
哉合臯夔曾閔爲一者難耳惟汴梁 復齋郭公至  
孝一方寸中父天母地與日月相爲悠久故其事  
君也忠自少年以儒節吏至於爲檢校爲都事爲經理  
委官德在身澤在人名在中外昔張忠定公治蜀五





年方成一信字 公知浮梁州事未五年而信已成  
德在身者盛澤在人者深名在中外者重及知高郵  
府事未五月政已報聲實流于

朝以鹽爲江浙第一課命 公同知運司事革舊弊敦  
新政未半年課將完而德愈盛澤愈深名愈重矣  
公視宇宙間可休可戚可好可惡之外物一毫不以  
動心常稱朱文公謂吾平生所學只正心誠意四字  
我豈可不如朱文公左琴右書朝齋夕禱家無私積  
門雀蠶午惟熙熙然曰吾床頭易在足矣又介介于  
興學勵士有文翁風庠聲序音訇金石而道不夜又

念民胞物與痒痛切身安老懷少使各得所本農末  
賈桑穀千里居人奠枕月無吠庵太平氣象康衢同  
樂不專在富貴家歌臺舞榭絃管鐘鼓中或者狼狽  
蛟狼血人于牙則筆下秋生一簣殆盡雖呻風喟雨  
詭濤駭浪之濱賣菜傭欲翼虎角蛇枝蔓無牽者鼠  
伏狐遁罔敢高童叟以聲兩辭造庭各自不寃萬竈  
熬波不擾而辦凡遊浮梁遊高郵遊兩浙者見公所  
過俱化而碧霄千尺摩青空庇蒼生不知其幾樹甘  
棠也余雖聞之而未之識至治二年秋幸識 公於  
州治果歷歷如士友語深以爲喜而 公迺曰子不



見子張問政子曰居之無倦行之以忠乎朱文公謂  
居存諸心無倦則終始如一行發於事以忠則表裏  
如一忠孝乃吾分內事吾必終始如一表裏如一不  
負夫子之言可也噫不負夫子之言 公得之舍遽  
伯玉尚不肯獨為君子 公肯獨為忠孝兩全人乎  
願 公體

聖朝美教化厚人倫移風俗之意以化浮梁化高郵化  
兩浙者推於化天下使天下之為人子者皆能盡孝  
天下之為人臣者皆能合臯夔曾閔為一皆能終始  
表裏如一不負夫子之言豈不偉哉 公曰然諸士

友咸喜之而形於詩勉余為序而申之以詩曰  
兩全忠孝昔猶今秦華爭高海共深霜雪無情知栢  
操江淮有眼識棠陰熬波出素和羹手滴露研朱點  
易心見說

明堂將大用擎  
天一柱玉千尋

至治三年八月朔秣陵存耕陶璞於

燕居閣下拜紫薇中頓首謹書

范良佐序

嘗謂為政不難政在得人天下財用大資資黃海之利



兩淞之賦其數不爲不多其任不爲不重  
復齋同知相公分治于斯井井有條

國課不擾而集政在得人誠哉是也是歲二次按臨澈  
川曩日同登仕版之貴官及諸士民歌頌如縷良佐  
忝在治下故取其詩章鳩爲一卷以見 汾陽百世  
之下雲仍垂裕之美至治癸亥忠勇校尉鮑郎場鹽  
司令范良佐錄呈

古體

儒人符子真

澈川巨鎮瞰海濱鯨波浩渺疑無津土皆下潤作斥

鹵亭民常苦饑役征漉沙煮水結白素飛霜積雪當  
中春

朝廷設官恢

國課稱職自古難其人貪泉易奪伯夷操揚風或汚元  
規塵我 公分麾下淞右海邦孰不聞清聲固知時  
康出英俊廣施恩澤安疲民公心但欲官賦足戴星  
出入寧辭辛不加刑政人自畏天公吉相連舒晴課  
賦羨餘喜書最豈依常例容虛申空舟載月照肺腑  
一心清沁寒潭冰恩德惠人不忍別借留無計徒攀  
輪大賢小屈暫淹抑便當秉



國持洪鈞我言民力困已久 公當大展調羹手光輝  
相種襲餘芳高名好繼 郭汾陽

儒生以深陳普頓首

海濱廣斥茫無涯額寬戶貧宿弊滋天時往往戾人  
事亭民赤子皆瘡痍積年虧課憂鞭笞文書如絲吏  
如縻 公侯今年出分司為政以德行仁慈 福星  
下照吳分楚昔民嗷嗷今怡怡萬物倚公為吐氣剛  
直不敢干以私恪共守職慎無違忠心為

國身忘疲往來巡行涉寒暑江風海雨歲云莫熬波煮  
海課必登封壩停竈回司去秋毫無擾場與亭但索

篇詩為餞行輕舟蕭然載明月未有好官如此清此  
行聲價已如許蒼生四海需霖雨 汾陽事業奚可  
量書生辨香致祝語拭目濶步入  
中書上佐

當今聖明主

儒生顧瞻頓首

二十四考中書令勲業在唐為最盛浯溪屹立磨崖  
碑姓字赫然丹炳炳豐功偉績昭後來千載雲仍有  
餘慶中原間氣生人英功名壯歲驂駟聘浙民猶說  
紫薇郎依紅泛綠中書堂湖山德色增輝光至今遺



愛留甘棠螟蝻壓境產道孽捕逐躬悴東海傍黔黎  
交口猶頌德蟲災隨殄回豐穰僂指俄然十餘禩重  
來漕憲恢

邦計大農之入鹽居多煮海熬波功匪易分車涉暑親  
牢盆撫恤嗇丁均錫惠拍塞千倉白雪盈氤氲萬竈  
青煙起亭民有頌無冤聲課不愆期訟咸理公餘輟  
暇親琴書鴈行抱牘皆用儒只今

聖明尚文治歸班便合持 鈞樞鯁生挾冊游海隅披  
雲一覩喜何如明經脩行應時需 公門桃李還容  
無採摭民謠進長句望塵迓拜迎 使車

儒生陳應舉

海濱漠漠多斥鹵

聖人既作廢物覩保和三事敷九州息養萬靈修六  
府造化醜醜備五行源流貢賦因三古民生日用雖  
錙銖財運泉源滿寰宇賈買商銜有大資

國阜民饒非小補有限光陰寸二金無窮世利璘二土  
人事蕭疎苦不禁天時叵測難侔倖海氓頑獷貧者  
多甑釜生塵衣更縷消資喪產不聊生桂薪玉粒猶  
何取冒暑吞飢且憚勞道政齊刑翻跋扈竈冷灰寒  
不繼煙官輸欲裕時難聚箠脊鞭臀血不乾焦頭爛



額身猶苦官守可無言責憂餐寐不遑流淚雨全吳  
一曰

福星臨碧天萬里晴暘煦輝二秋月照襟懷益二春  
風到編戶散金出帑手自分東杖寬刑人盡撫床頭  
琴劔生光輝案上簿書豈旁午萬夫千夫自赤心千  
倉萬倉貯白珣有道生財民自生權利世徒非漢武  
鼎鼎鹽梅滋味長

天子責難在

賢輔蒼生願沐染指恩早施大手扶

明主

◊唐律

富  
中順大夫前瓊州軍民安撫使王君濟頓首

國安民務恪勤如公端可謂良臣煙閑萬竈俱登課  
月冷千江不染塵冰蘖聲名知己早鹽梅滋味信先  
春九重聞有和羹召會見汾陽德業新

承直郎前興化路推官金汝礪頓首

詩禮汾陽百世孫重來傾蓋轉情親鹽齏額羨有餘  
力囚繫寬伸存至仁疾惡威聲猶烈日接人和氣勝  
陽春他年秉握



中朝政更冀 恩波澤下民

忠顯校尉前海道運糧千戶楊樞百拜

運課成規自得方先施德政後施剛和羹小試熬波

利飽學良由讀易長廉潔居官心似水忠勤報

國賢微霜只今才傑俱登用不日 明堂作棟梁

濂溪後人周冕頓拜

廉聲播滿浙西東派衍 汾陽有祖風學盡知行爲

世表易明進退適時中熬波出素勞分治激濁揚清

任至公此去和羹消息近驛梅春早露椒紅

范澄志

千載中書重望孫紫薇花下舊時春虹霓浩氣三千  
丈碧落銀河一片紳教子欲知天爵貴讀書期與聖  
門親他年快展調羹手海角鰕生亦幸民

秦川儒術劉震

分司鹽策入秦川爲

國宣勞總利權耳挹虞絃歌永日心參義易洞先天素  
波熬出千倉雪和氣薰成萬竈煙相鼎調羹歸大手  
當今

聖主得臣賢

張子壽



天地中間一偉人心全忠孝事

君親提綱 槐省聲名舊貳政 離臺號令新兩浙 蒙恩沾雨露萬民聽履上

星辰金甌已覆香名久 鼎鼐調羹秉 相鈞

梅鼎來

天爲吾儂見 福星推誠率下 愜輿情 冰清玉潔一壺瑩 霧滄雲蒸萬竈生 閑暇工程皆信實 及秋課額已登盈 浙江小試鹽梅了 早爲調和鼎鼐羹

趙良復

玉立丰標鐵脊梁 寸心中孝日爭光大 才端稱絲綸

美巨擘先調鼎 鼎香萬竈青烟皆就緒 一輪明月滿行裝 功成早入 中書府 元有家聲今古芳

胡霖

海上兒童竹馬迎 計臺高處 福星明 紫泥一扎天恩重 白雪千倉

國課盈苴政公廉 人感德 立身忠孝世揚名 如今小試調羹手 早入 中書繼祖聲

張庸

祖笏堆牀說令公 耳孫聲價欲摩空

九天恩重絲綸下 兩浙春融鼎鼐中 佐治豈無商說雨



廉頑真有伯夷風不愁煮海 星符急萬水千波日  
夜東

梅亭

盛世重生梁棟材從容兩泐試塩梅限嚴課額雖難  
緩德洽人心不待催明月遠隨歸權去 福星幾見  
使車來功成還繼 中書考

天上黃金已築臺

高相孫

勤勞

國計竭忠誠斥鹵躬行不憚頻冰蘖素聞清白操塩梅

當屬老成人熬波出素臨滄海奏課論功動  
紫宸盡說明公爲政善棠陰留與浙間民

朱益之

忠孝家聲藹八埏 使星分照舊秦川千倉積雪無  
虛白萬竈熬波不斷煙利

國素高齊相策愛民重見 令公賢從今大展調羹手  
留取清名著史編

嘉興葉知本

有道先生漢士宗雲仍千載振儒風襦歌昔頌承流  
德鞭筭今觀煮海功財貨阜通



邦本富梅鹽作用古人同庭前肉鼓聲沉處民在  
恩波蕩漾中

續添古體

常圻

武原瀕海郡厥土貢惟鹽 使星分符來巖二民具  
瞻不擾誠 父母至仁雨露霑温如春谷風烟若秋  
空蟾

國課恢以捷悉服 公清廉善政難枚舉 盛德忠孝  
兼 相考二十四 計臺寧久淹安得燕許手掾筆  
揮吳縑

民謠十首

分司嘉興

二月錢塘復政庭分符三月下禾城尋常一樣駕湖  
水自得清官越樣清

門無私謁

蕭條官舍膝堪容避俗傭居闌井中門禁有嚴無謁  
客私心一點不相通

秋毫無取

陰賂何嘗受一分舉家惟仰俸資身閑中更有琴書  
樂廉不言貧能幾人



鹽倉便賣

新立鹽倉弊已生日申虛數滋鹽商今年自得  
公規畫增賣常年一倍強

掬出餘鹽

四月初終八月初引鹽掬出二千餘依時價直八千  
定為

國豐財事不虛

親散工本

逐年工本各場收盜剋虛支屬自由今歲應時親給  
散亭民真箇得分憂

抑強扶弱

各場貧富錯差徭貧日艱難富日驕洞察民情親整  
肅奸邪雄猾總魂消

私鹽訟簡

鹽訟冗經化筆春不容攀指擾平民隨時斷遣無留  
獄盡伏清廉法令伸

平反冤枉

豪富欺貧事百端每誣鹽事欲欺官 公心獨有神  
明見一一平反不受瞞

恢辦課程



委職催煎步不離未冬益足可先期今年不學常年  
弊虛得通閑課實虧

劉道玄送江西憲使詩

當代多君子 明公第一流金臺峙汾朔系裔鬱神  
麻光嶽英靈秀巖廊進退憂培風嘗漕運小却亦方  
侯豈弟德彌厚優游福自求黃金天錫孝竹馬史傳  
髣精爽迴鷹翮飛揚稱虎頭昔聞今始見再拜悟前  
脩肅肅持邦憲皇皇憫俗偷吏貪真虺蜮廩蠹甚螟  
蚤蝨方寸仁爲本黔黎瘵自瘳繡衣分

北闕驄馬試南州江右稱繁劇湖東據上游幾年隳政  
網一日去縣疣疾惡霜嚴曉明刑月滿秋春田耕讓  
畔夜戶盜歸牛攬漕心逾壯操弧手未柔恤鰥明施



惠訪治極咨諏時雨露芹藻民風復爽鳩鋪陳匪  
公意誦贊豈公酬嘗竊陳篇奧每慙同氣謀親年臨  
喜懼祖訓付箕裘蹭蹬孟東野周旋陳太丘月明身  
似鵲風雨屋如舟鞠予誰無念漂巢乃有仇事因情  
屢梗利與訟爲罔苟至深狼狽何殊衆楚咻遭逢照  
衰朽頃刻解羈鞫吾道何偏倚天倫貫顯幽感恩思  
結草懷土任填溝播播青螺水猗猗白鷺洲勲名今  
又古忠節系文歐烟火百千竈檣桅十萬艘煩公以  
身教禮樂御輕浮父老爭迎戀兒童雜詠謳苻邊魚  
活活羊外鹿呦呦寤寐勞心治渠農鼓腹遊東風催

馬首

丹詔待龍樓昔也來何暮今焉盍少留野人無可奈短  
韻寄悠悠

○任江西憲德政序

方君壽

泰定二年六月 憲府郭公錄囚來時 公嘗爲州  
浮梁以易學導諸生諸生猶能誦習疊疊君壽爲番  
氓嘗竊聞一二獨恨親炙無由不得以窺其全俯仰  
十餘年冀獲一望轡蓋今年春人有誦春在冰霜裏



人行道義中之句者且曰此吾 憲發公門符也曩  
浮梁民以為召父杜母一食必祝令道義之門轉春  
風於嚴凝之地於忠恕為近忠恕乃 聖門傳授要  
旨而可以終身行之者以是存心豈非一道幸明刑  
議獄孰有不當於理者嘗觀諸易言刑獄不一皆以  
離明為主兼取震動有威上離下震為噬嗑象曰先  
王以明罰敕法反對為賁曰君子以明庶政無敢折  
獄上震下離為豐象曰君子以折獄辨刑反對為旅  
曰君子以明慎用刑而不留獄中孚之議獄緩死也  
為其六畫之離震見於互體而已也 公冒中全易

明威兼濟恕以行之何徃非天理之公哉矧是邦侯  
伯知所先務鉏疆起弱政教日新而留獄常寡不足  
上累高明究 公浮梁之政所以育才興學迄有成  
效今盱校 宮墻未復無以備不虞此侯伯所嘗究  
心責之有司而奉令猶有未至不能無望於波及之  
餘白首太玄則區區素願幸 公其有以淑之諸生  
樂拜 下風咸歌 德美輒叙其端且有後望云是  
月癸卯在泮方君壽拜手謹書

騷體

古汴苗子方



赤霄兮開雲乘  
驄馬兮下蒼昊  
磔妖狐兮尸暴虎  
舞俊士兮歌同文  
沃流火兮止焚淳  
清源兮去其渾雷  
填填兮風颺颺  
障狂瀾兮使安流  
鑿飛空之明月兮  
送秋爽於南州觀

乾龍之御極兮立天則  
時雨暘兮飽民食  
肅綉衣以分政兮  
公獨奮節乎忠直  
鐸名教於江右兮  
誦諸生於芹宮  
先德化以禮齊兮  
遵古人之遺風  
匡之山兮蠶之水  
佩芳菲兮思君子  
洗愚心之悒鬱兮  
進深衷之亶亶  
何流俗之溷溷兮  
謂蘭茝之無香  
瑱圭玉以爲飾兮  
集寶苑以爲堂  
厄貞松於草菅兮  
爰有冀

乎雪霜啓孤根兮  
領衆芳韻清冷兮  
永相望

古體長篇

鄧茂生

火雲赫南服六轡勞  
驅馳上體仁恕心下  
爲哀矜施游刃折衆  
理破的分羣疑烈日  
正旱乾一雨生華滋  
頗知天意合自與方  
寸宜雅志在斯文教  
法明定規高堂集諸  
生講論窮精微所貴  
以善誘人才由此基  
故家本汾陽勛業舊  
鼎彝寧爲繡斧淹遠  
大期日躋

李守中

天地有正氣肅肅同  
高秋大賢際盛世耿  
光凌斗牛



向來郭林宗四海垂清猷聞孫繼芳躅耿耿追前脩  
道傳洙泗遠學與天人侔平生經濟心自許稷契儔  
此志在天下小却來南州昆吾百鍊剛龍驤萬斛舟  
直論凜白簡先聲馳駢駒百恠服山澤明月流清溝  
春從天上來草樹青浮浮吏民喜欲舞恨不公常留  
荒荒泮芹間屢覩驄馬遊滿堂接顏色懇懇教不休  
坐令絃歌音藹藹聲於謳願言作砥柱力障狂瀾流

陽平樊炫

聖代昭文運觀風屬偉人燕臺今俊士唐閣舊賢臣  
德業隨時盛文章與世新參謀知大篆宣化識深

仁淝右霜威重湖東春意均且須正綱紀將見展  
經綸欲侍清風几難勝綠幙賓陋鄉材不棄末學志  
能伸藹藹風雲會依依雨露春終期青阮眼免使混  
埃塵

萬士元

三代之學明人倫兩漢以下愈失真雜于黃老火于  
秦六經典籍俱紛紜孟氏繼統醇乎醇小醇大疵楊  
與荀西京之教無其人仲舒卓爾乃有聞河汾諸子  
唐世臣董常薛收似不羣昌黎爲儒勞且勤進學一  
解何諄諄洙泗道脉幾欲泯濂洛枯木回陽春考亭



師弟幹大鈞百家衆說曾具陳  
鯁生末學無所親  
半生燈火甘賤貧生平不事雕蟲文  
誤隨計吏朝紫宸尚期稷契承華勲  
志欲風俗皆還淳失脚不登要路  
津捧檄臨汝猶逡巡緬懷安定願卜鄰  
下思澤民上致

君公今弭節臨川濱詳刑化雨隨車塵  
欲將斯道覺斯民感公義氣凌青雲爲公誦此書諸紳

部下屬曹吳述

使君昔守番之陽仁聲善政波洋洋  
後來作者竟絕響至今父老歌甘棠  
皇皇繡衣照霄漢十年相望東

西江震霆行空泰岳動景星瑞世鸞  
飛翔五峰生靈久塗炭苛政橫斂猶虎  
狼橫行妥尾不畏憚下驅屬邑如犬羊  
豪民右族共盤結屋有金帛田無糧小民  
怨氣徹天地赤旱千里三年強今年夏五  
旱復熾渴烏煽毒民皇皇郵胥奔走捧  
憲檄正爲版籍鉞膏盲好風西南布甘澤  
一雨十日起仆僵耄倪露香拜且祝願瞻  
使節明煌煌下車歷歷問民瘼布政井  
井張臺綱正均經界得時雨平反冤獄無  
飛霜化被菁莪妙樂育親迪後進明綱常  
顛崖繼此望蘇息教化自我森開張書生  
寓跡番君鄉昔由儒戩親憲



章家貧親老尚矮屋而復值此貪酷邦向非 皇華  
公道明覆盆之下無隙光但愁馬首既東道此輩安  
足容善良奴顏婢膝不忍爲便欲歸去勤農桑栢臺  
臺下敬再拜銘心感德不敢忘方今  
王聖臣賢良廟堂政尔需棟梁揮洒筆下寒風霜要令  
虎豹遠遁魑魅藏歸來化爲霖雨澤四方

律詩

岳天祐

使節光華照盱水秋風載道淨無塵未蘇冤滯清民  
瘼後望咨詢及物仁臺栢煙收初見日泮芹雨透喜

生春西江從此 恩波濶祗恐調元侍

紫宸

虞堯臣

繡衣按郡爲盱臨中令家聲盛至今決獄不冤行素  
學使民無訟本初心一天爽氣秋風勁萬井香粳曉  
露深泮水龍鍾瞻望久喜霑時雨及儒林

汪允文

汾陽芳派有雲孫政事文章世共尊光燦繡衣群仰  
德香分翠栢獨澄源清風數髮甦民瘼化雨漸肌洗  
獄冤異日 鈞衡需大手青氈又喜屬名門



章家貧親老尚矮屋而復值此貪酷邦向非 皇華  
公道明覆盆之下無隙光但愁馬首既東道此輩安  
足容善良奴顏婢膝不忍爲便欲歸去勤農桑栢臺  
臺下敬再拜銘心感德不敢忘方今  
王聖臣賢良廟堂政尔需棟梁揮洒筆下寒風霜要令  
虎豹遠遁魑魅藏歸來化爲霖雨澤四方

律詩

岳天祐

使節光華照盱水秋風載道淨無塵未蘇冤滯清民  
瘼後望咨詢及物仁臺栢煙收初見日泮芹雨透喜

生春西江從此 恩波濶祗恐調元侍

紫宸

虞堯臣

繡衣按郡爲盱臨中令家聲盛至今決獄不冤行素  
學使民無訟本初心一天爽氣秋風勁萬井香粳曉  
露深泮水龍鍾瞻望久喜霑時雨及儒林

汪允文

汾陽芳派有雲孫政事文章世共尊光燦繡衣群仰  
德香分翠栢獨澄源清風數髮甦民瘼化雨漸肌洗  
獄冤異日 鈞衡需大手青氈又喜屬名門



求伸鈞天丕冒元無際碧藻香芹總是春

臨汝書院劉伯壽

公來六月雨隨車  
駟馬行行冒暑途  
萬里薰風清宇  
宙一輪明月照  
江湖獄情毫髮  
知無枉民瘼膏  
盲立可蘇中令  
傳家衣鉢在會  
看

丹詔下 天衢

德安儒學冷掾宜起霖

中書久仰令公名  
清白傳家政有  
聲原隰秋風絲  
轡健山川曉日  
繡衣明恩深父  
母皆歸化見若  
神明莫隱情竚  
看天邊

丹詔下一朝霖雨福蒼生

熊文淵

汾陽官譜舊家聲  
原隰咨詢著令  
名光動繡衣霄  
漢近威嚴玉節  
雪霜明澄清有  
志持公道擿伏  
無私燭吏情一  
綫斯文欣借重  
詩書惠澤賴陶  
成

郭餘慶

繡衣攬轡五峯城  
疏決淹囚察下  
情法有公評誰  
敢議罪於疑處  
賴從輕民生沐浴  
恩波闊心事澄  
清秋月明一脉  
斯文今有幸提  
撕尤望惠書生

黃潤



令公勲業付雲仍  
汝水欣逢使節臨  
禮樂光華行部遠  
詩書福德及民深  
展經綸 健長存  
鐵石心一點  
甘霖蘇萬類  
分生意到

黃約

驄馬南來使節新  
西江取水滌規塵  
簡書嚴肅奸邪服  
版籍分明賦役均  
心上但留方寸地  
人間先借一分春  
藻芹幸喜恩波及  
再拜甄陶感化鈞

劉伯壽

星軺行處即澄清  
一點剛風不受塵  
明見皎如千里月  
公心陶作五峰春  
雪霜雨露無非教  
政事文章有

若人萬頃汪洋滄海量  
書生終始托洪鈞

趙良個

黃金臺上著勲名  
僻壤欣瞻玉節明  
六月甘霖天潤澤  
一江秋色水澄清  
民無歎息憂愁態  
士有懽欣讚頌聲  
多少傾心歸嚮意  
書林從此總敷榮

黎庶

夾道旄旄擁繡衣  
烏臺高壓五峯低  
月明宇宙妖氛淨  
雨沐江山暑氣微  
人說汾陽傳遠業  
情知汝水慰羣黎  
書生願借生成力  
何幸仁風轉化機

劉開孫



心與冰壺一樣新  
亭亭玉節照嚴城  
九重天遠雷霆  
近千里雲開日月明  
肅政精神寒吏膽  
滿腔惻隱慙  
民情泮芹更借春風力  
早晚諸生賴玉成

連元壽

使節光華照汝城  
汾陽聲價古今榮  
姦雄怕見風霜  
操忠義生爭日月明  
千里宦情秋水澗  
一生心事玉  
壺清他時若赴  
金鑾召力爲閭閻  
達下情

艾天瑞

汾陽自昔相門高  
六月乘驄不憚勞  
道德光華瞻孔  
孟文章政事學伊臯  
一天時雨甦民瘼  
千里威風去

吏饒田野書生瞻慕切  
更祈恩澤到蓬蒿

黃文海

廉風遍地著聲名  
甘雨隨車暑自清  
一道星光耀河  
漢半天秋氣壓山城  
憲臺重振舊綱紀  
計簿喜看  
新戶名從此小儒歸  
大造微生何幸遇昇平

屬吏方仁卿

遠想威容已七年  
何期旌節照螺川  
風霜一淨春如  
水  
颼霧四收月滿天  
不識錢神豪不霸  
無閑獄吏  
無權明公發擿無餘蘊  
早入烏臺待

日邊



五言律詩

王辰

列位登清要提綱按部嚴金臺  
君舉善霜簡衆稱廉擁節威風動隨車化雨露秋空  
橫一鶚蜚輩總厭厭

鄭堯心

家世汾陽裔澄清喜嗣宗虎猶驚出境鼠敢竊穿墉  
禮樂光華遠詩書氣味醲藻芹衿佩樂春意爲陶鎔

七言絕句

晏詠道

汾陽勲業紹家傳絲轡光華照汝川聽獄還如蘇太  
早願爲霖雨溥仁天  
政雨隨車灑路塵周原千里重咨詢斯文一脉誰宗  
主造化全由筆下春

太和州學儒生戴熙

濟時方畧滿書囊凜凜嚴如十月霜遙想 金臺初  
受命紫袍象笏總生光

整飭 臺綱事事新發姦擿伏智如神雖云攬轡勞  
心力却喜民間物物春  
法律無情先自持一廉如水衆皆知繡衣持斧巡行



處琴鶴依依只自隨  
使星炯炯照澄江  
咨度咨詢苦未遑  
六轡歲周如上命  
誰能當道着豺狼  
幾回攬轡誓澄清  
欲爲蒼生做太平  
盡說使車將至日  
樓頭更鼓頓分明  
一自分司登驛途  
幾多赤子望來蘇  
開倉以後頻詢問  
道路猶逢餓莩無  
健訟無如吉贛民  
才聞威德總更新  
只愁天外除書至  
恨殺攀轅卧轍人

○問民疾苦

德安縣學儒生潘必大書

竊謂天下之人猶一身也必也元首正股肱良耳目聰明然後身得安焉今

聖天子御極賢相輔治簡拔明公爲耳目之官握憲綱操政柄四履江西之地此乃

朝廷以此方之士此地之民而委之明公也其任不亦重乎矧惟明公學問窺天人聲名播天下事業滿朝廷此誠北方學者未能或之先也必大踰伏山林幸生太平無事仄聞明公自下車來愛人下士選賢任



能舉才如反掌摧奸如燎毛和則玉潤春溫肅則秋  
霜烈日挽淳風而化澆俗好正論而樂謹言於是草  
茅危言之士無不傾心吐膽願進庭下而申其辭說  
此必大亦素所願見也今夫九真之麟丹山之鳳條  
支終南之文犀貂豹其出世也則足以瑞

聖朝而清宇宙間者莫不束帶結髮洋洋然往觀之必  
大之求見明公亦猶是耳幸賜之顏色俾得從容以  
進盡所欲言則幸甚必大生於窮巷長於葦簷九歲  
值母沉痾呻吟床褥夙夜侍湯藥六越寒暑失恃苦  
早痛切終身至今閭閻父老無不哀其幼志而壯其

誠心內無兄弟之助外乏疆近之親子子一身奉嚴  
父日謹待繼母如適至于今日此必大於事親之禮  
弗敢廢也年二十始知讀書爲文雖飢寒迫身而螢  
牕雪案每以勤勵自彊以古人自期待此必大於爲  
學之道不敢自暇自逸也至其平日處心視義若泰  
山見利如浮葦每慕范希文爲人愛其好施與置義  
田以養宗族此必大之素志願力有不逮也嘗一試  
秋闈與數千百人角藝於寸晷而不得忝名薦書齒  
進士于時以觀  
之光噫命也雖少戢鱗委翅而其志氣終欲激昂青



雲於萬里外奈何親日老家日貧而時命日蹇苟今也縣庠不以其無似衆舉以次泮席日與二三子從事乎口耳之學始懼弗勝終以便養不辭然早作夜思疲力勞心敢不加鞭策竭鴛材以盡其責茲遇明公按行郡邑蘇息民瘼幸獲拜下風仰瞻威重故敢述其平生之意氣今日之困瘁以塵視聽雖然此一己之私也當今事勢豈無可言敢申一得之愚少裨風化之盛今江西之地治有未至者八請得條之農桑非不勸也而游惰之民不能盡地力學校非不勉也而士風有不振求賢非無

詔也而山林遺逸莫不舉科舉非不行也而合郡或不

薦一人彊暴非不挫也而吞并之風自若流民非不

招也而棄親離墓不知復業茶法非不嚴也而假茶

濫引名曰還寇引動以數萬恣行無恐站戶非不恤

也而流離轉徙消乏者衆凡此八者所謂治有未至

者也其間得失利病其在明公悉心推訪舉而行之

一有未至則是耳目之官不司何以安天下如一身

哉夫明目達聰舜世所以無爲而治今明公爲

聖天子新天下耳目其可無託付之成效乎故愚取喻

於此傳曰堯牧之言聖人擇焉惟明公其覽之必大



不避鈇鉞謹再拜以聞非敢自矜式以媒進取于左  
右不勝怖懼之情死罪萬幸必大頓首再拜

唐律

永新陳宗文

千載汾陽照史編堂堂袍笏至今傳風霜氣節清天  
下冰蘖聲名動日邊臘後根荻蒙雨露草間狐兔  
避鷹鷄巔崖辛苦皆蘇息里詠塗歌有二天

右一

吏貼無如告郡豪永新尤甚惡滔滔舞文弄法機關  
密瘠衆肥家氣焰高風憲仍出入長官容縱轉

貪饒塞源拔本須今日未信狐狸敢夜號

右二

永新百姓最堪憐無稅當差萬室冤官責徵輸粥妻  
子吏緣漁取富田園薰蒸民怨天爲怒融結年災禍  
有根幸遇皇華親攬漕坐令寒谷變春溫

右三

太和州耆儒王昭德

謹呈昭德一介庸愚不知老至忝在耆儒之  
列祇受

中書禮部劄付薦以秀溪居士之名切見



太和州自泰定元年立春以來氣候不齊陰陽失序霖雨連綿晝夜不息及至于夏頓然而止日色高亢天旱熒焚山澤焦枯禾苗槁死雖蒙州官各捐俸鈔修建善事諸廟行香龍潭請水於延真觀建壇爲民祈禱隨獲感通終未沾足間有水可救之處而惡風東來又主蟲賊昭德犬馬之齒七十有三自前未嘗目睹旱蝗有如此事者實閔利害豈忍緘默本州六鄉之間徃歲交夏以來田疇缺雨早稻含胎毓秀之時遭以亢旱禾苗枯槁所

收十無一二農民惶惶已有朝不保暮之憂猶望晚稻麻黍雜子登場得以少延殘喘何意秋旱八十餘日田隴龜拆州地塵飛晚種諸種多見絕穗即今上等富室倉廩枵虛薄有田產之家自贍不給村落小民惟有待斃誠恐流移後憂方大已嘗具呈本州備錄轉申 上司賑濟外今幸遇

廉訪分司按臨小郡謹陳小詩少數民情伏乞 電覽

一道澄清仰景光福星移次照西昌威名震動搖山



岳風采凝嚴凜雪霜禁戢姦邪明  
國法糾彈官吏正 臺綱從今罔罔無冤滯元惡潛消  
化善良

右一

有民有土有斯財盡是農家力作來去歲旱傷惟獨  
甚今年饑饉可憐哉閭閻不見覆盆日衙署難爲業  
鏡臺四者已蒙收養濟道傍無數可勝哀

右二

又絕句十二首

聖朝廣大恤民多 臺憲分官出撫摩貪墨姦邪驚破

瞻太平民唱太平歌

聖旨如何敢節該堯湯盛世有天災四時玉燭陰陽序  
皆自吾

皇仁政來

明時條畫又維新宣化承流貴得人所願丁寧偕牧  
守奉公潔已撫斯民

去年天旱及蟲蝗田畝無收白納糧饑饉荐臻民疾  
苦有如雪上更加霜

汲黯開倉爲濟民水災拯救奏

丹宸免冠歸節能如此萬代揚名做好人



文王發政及施仁念念惟先四者貧天下窮而無告者不知籍外幾多人

大元社長爲農桑社內勤耕實得安官府清明均賦役細民無擾免貧寒

爲富從來多不仁凶年過糴最無情縱令馬畜傷禾稼不恤農家苦力耕

科舉數年又復興好乘桃浪過龍門 廉車禮樂崇

儒雅激起江西教子孫

聖人萬代帝王師盛禮春秋釋奠時郡守作新誠有益  
奉承教化謝 廉司

江西風俗最刁譁捏合虛詞布爪牙赫吏欺官陵善類無能禁戢謾吁嗟

天開言路許敷陳弊政拳拳望改更一介寒微殊冒瀆  
擇其善者乞施行



汪澤民奉賡

即事一首

詔書恩重許更新  
陰沴迴回霽景春  
慶衍萬年逢

景運 治隆三代樂天民  
皇華着意風霜教寸草

含恩雨露仁未有  
涓埃酬

帝力牙緋不意換袍銀

登梅嶺二絕

俯仰何慙宇宙間  
繡衣過處庶民安  
春風闋上千  
年墨把與梅花一樣看



嶺南暖地忽生寒  
驄馬西來欲度關  
莫道煙嵐遮  
萬里舉頭咫尺見  
天顏

亮人呂 奉和

僉憲相公留題梅嶺二絕

蕭蕭驄馬萬山間  
激濁揚清百姓安  
春意梅心憑  
好句關頭長與路人看

白簡霜飛一道寒  
西江南海幾間關  
丹心萬里持冰  
蘖如對

天威咫尺顏

△東湖去思

泰定改元

憲簽相公復齋先生蒞政江右  
風采一新紀綱大振其居官美績固難具述  
獨芹宮子佩尤篤意勉勵故未逾年歲所部郡邑生徒課  
講皆有成效既而

除命自

天則爲郡于浙之慶元於其行也攀戀無由敬率諸生  
各爲歌詩以寫去思之懷伏祈

笑覽



儒學副提舉番易洪耕頓拜

憲綱大振凜清風攬轡西江一瘦驄烏府式傳  
宣命降虎符又拜

聖恩隆綠芹隨地沾新化白日行天溥至公浙水士民  
相望久又看竹馬鬧兒童

學生東湖書院山長陳景常再拜

新治紛紛竹馬童舊邦人惜去忽忽霜凝秋氣橫江  
右雨挾春陽度浙東一道難爲攀戀計諸生長記作  
成功欲教四海沾恩溥只合中書着令公

新建縣學教諭錢原道

清官出守愜民情南浦扁舟向浙行雋暴威名加禮  
貌龔黃德政藹仁聲青衿黃卷嚴三肄畫戟朱轡照  
四明爲

國儲材公素志漸摩風俗樂昇平

南昌縣學教諭林基孫

遙知一路失顏開太守文星發上台卧治民間

天子命傳呼人說令公來東吳嘖二榮侯邸西楚寥二

肅憲臺未必四明堪久駐

朝廷今正急賢才

靖安縣學教諭歐陽有



衆樂亭前騎竹童頻歌來暮望湖東極知報政期年  
速安得分光四海同學校藻芹堪采處門墻桃李不  
言中家傳幾歷中書考勲業他年又令公

東湖書院訓導黃極立

澄得西江水不波由來政化及人多又爲皂蓋朱幡  
去其奈青芹碧藻何它日 金臺餘事業此時竹馬  
沸謳歌四明弟子多英俊贏得槐宮賸琢磨

東湖書院訓導何禎

執法星留翼軫躔 令公勲業又從前風霜氣肅南  
荒地雨露心涵太極天雨樹夢思君子友海門徠服

外夷船諸生莫作攀轅想日奉晴窓記誦篇

東湖書院訓導周冕

繡斧輝煌南浦間吟鞭又指四明山分香

紫殿芝綸美布政黃堂戟衛閑外郡勤勞聊借徑

中書富貴早歸班此行海上蓬萊近西望紅雲是  
九關

東湖書院諸生李光國

雨露青莪復幾時風霜草木亦能知柏臺秋老羣鳥  
集花署春回五馬隨舟二東雲擁麾蓋依二西月戀  
檐帷四明起歷中書考未必脩鱗久在池



門下士昌江李沂拜呈

復齋先生大梁郭公弭

江西憲節

出守四明道繇芝山賦詩為別少寓

攀慕之情伏希

鈞覽

英二出岫雲萬里乘長風舒卷自有時變化不可窮  
油然起膚寸清陰滿太空

龍興氣類感上下交相從終當作霖雨大施澤物功非  
煙復非霧四海歌時雍喬松屹高岡鬱二千丈強兔

絲不盈尺引蔓亦孔將陽和布德澤蔚然借 恩光  
勁節叅蒼冥弱植仍許長小大固布殊霄漢寧相忘  
懷哉及茲時托根見微芳

門下昌江李

拜述

名與昌江一樣清妍蚩照破莫逃情老天暫歇冰霜  
冷舒作陽和入四明

摻別雙溪幾許年南轅北旆快高騫堂二勲業汾陽  
舊從此調

元看九遷

照耀芝山隊仗新風吹客舸著湖津梅心柳眼俱凝



佇臆意蕭條久望春

鯀生閑卧小茅庵上有慈親八十三莫共仙舟天外  
去夢隨帆影看東南





